



Susassaqartunut tamanut

Ukiuunerani 2025-mi tuttunniarnissamut aamma umimmanniarnissamut piffissaliussat pisassiissutillu pillugit tusarniaaneq.

21.10.2024

Sagsnr. 2024-18207
Dok. Nr. 94543266

Postboks 269
3900 Nuuk
Tlf. (+299) 34 50 00
Fax (+299) 34 63 55
E-mail: apn@nanoq.gl
www.nanoq.gl

Matumuuna Ukiuunerani 2025-mi tuttunniarnissamut umimmanniarnissamullu piffissaliussat sumiiffinnilu tuttutassiissutit kiisalu umimmattassiissutit pillugit siunnersuutit tusarniutigineqarput.

Pinngortitaleriflik 2024-p aallartissimalaernerani Qeqqata Kommuniani aqutsiveqarfinni Maniitsoq-mi aamma Sisimiut-ni qulimiguulimmik tuttunik aamma umimmannik kisitsernermik ingerlataqarpoq. Kisitsinerup takutippaa Maniitsup aqutsiveqarfiani umimmaat angutivissat arnavissallu inersimasut amerlasuusut, kisianni norraat ataatsimut isigalugu amerlavallaanngitsut. Taamaammat kulavaat norrallit piniarneqartannginnissaat ingerlateqqiinnarneqarpoq. Maniitsup aqutsiveqarfiani umimmaat amerlassusaat 2018-imut sanilliullugu allannguuteqarpianngikkaluarpoq. Sisimiut aqutsiveqarfiani umimmaat suiaassutsimikkut utoqqaassutsimikkullu inissisimanaerat pissusissamitut ippoq, tassanimi imatut sakkortutigisumik piniarneqartarsimanaangimmata.

Tuttut

1. Aqutsiveqarfik Qaanaaq: Piniarfintti Inglefield Land-imi, Prudhoe Land-imi aamma Kangerluarsorujummi piffissami 1. januaarimiit 30. Aprili ilanngullugu aasaanerani ukianneranilu 2024-mi pisarinngitsuukkanik nuussinikkut ukiuunerani tuttunniartoqassaaq.
2. Piniarfik Nuussuaq: Piniarfimmi Nuussuaq-mi piffissami 3. februaarimiit 23. februaari ilanngullugu qimussimik tuttunniarneq ingerlanneqassaaq pisassat 100-iullutik.
3. Piniarfiit sinneri: Piniarfintti sinnerini ukiuunerani tuttunniartoqassanngilaq.

Tunngavilersuutit. Aasaanerani aamma ukiannerani 2024-mi Piniarfimmi 2-mi (Sisimiut-Kangerlussuaq), Piniarfik 3-mi (Akia-Maniitsoq) aamma Piniarfik 4-mi (Amerlik) qaammattini pingasuni killeqanngitsumik sunngiffimmi tuttunniartoqareerpoq taamatullu qaammattini tallimani killeqanngitsumik inuussutissarsiutigalugu tuttunniartoqareerluni. Pinngortitaleriflik naapertoglugu piniarfintti pineqartuni tuttut amerlavallaalersimapput tamannalu pillugu ikilisaasoqartariaqarluni. Piniarfintti sinnerini ikinnerusunik tuttoqarfiusut qaammattini marlunni killeqanngitsumik sunngiffimmi tuttunniartoqareerpoq taamatullu qaammattini pingajuat qiteqqullugu killeqanngitsumik inuussutissarsiutigalugu tuttunniartoqareerluni. **Taamaammat ukiuunerani tuttunniarnissamut immikkut ittumik tunngavissaqanngilaq.**

APN-ip kommunit qanimut suleqatigalugit akuersissutinik utertitsisarneq malinnaaffigivaa, utertinnejartannginnerat taamatullu pisanik nalunaaruteqartannginnej piniartunut ataasiakkaanut akuersissutinik qinnuteqarsinnaanissamut ukiuni aggersuni kinguneqassaaq. Erseqqissaatigineqarpoq qamuteralannik, ATV-nik kiisalu qamutinik motoorilinnik allanik atuinermi kommunimi ileqqoreqqusat malinneqassasut, tuttunillu malersuinermi piniarnermilu atornissaat inerteqqutaammat. Assartuutit motoorillit tuttunut minnerpaamik 500 meterinik ungasissuseqassapput.

Umimmaat

4. Aqutsiveqarfik Maniitsoq: Piniarfik 1-imí qimussertartunut allatigullu assartuutinik motoorilinnik atuiffiunngitsumik ukiuunerani 2025-mi killilimmik inuussutissarsiutigalugu sunngiffimmilu umimmanniarneq 1. februaarii 14. februaari ilanngullugu sapaatip akunnerini marlunni ingerlassaaq. Piniarfik 1-mi 50-nik umimmattassiisoqarpoq.
5. Aqutsiveqarfik Maniitsoq: Piniarfik 3-mi assartuutinik motoorilinnik piniarfimmut piniarfimmiillu assartuutitut atuiffigeqqaasumik ukiuunerani 2025-mi killilimmik inuussutissarsiutigalugu umimmanniarneq 1. februaarii 14. februaari ilanngullugu sapaatip akunnerini marlunni ingerlassaaq. Piniarfik 3-mi 200-nik umimmattassiisoqarpoq. Piniarfik 2-mi aamma Piniarfik 4-mi ukiuunerani umimmanniartoqassanngilaq.
6. Aqutsiveqarfik Sisimiut: Aasaanerani aamma ukiaanerani 2024-mi umimmattassanit pisarinngitsuukkat ukiuuneranut 2025-mi piniarnissamut nuunneqassapput piffissami 1. februaarii 14. februaari ilanngullugu ingerlanneqartussamut. Qeqqata Kommunia suleqatigalugu pisarinngitsuukkat amerlassusaat aalajangerneqassaaq.
7. Aqutsiveqarfik Kangaatsiaq: Aasaanerani aamma ukiaanerani 2024-mi Sisimiut aqutsiveqarfiani umimmattassanit pisarinngitsuukkat ukiuuneranut 2025-mi piniarnissamut nuunneqassapput piffissami 1. februaarii 14. februaari ilanngullugu ingerlanneqartussamut. Kommune Qeqertalik suleqatigalugu pisarinngitsuukkat amerlassusaat aalajangerneqassaaq.
8. Umimmaqarfik Naternaq: Aasaanerani aamma ukiaanerani 2024-mi aqutsiveqarfinnut umimmattassanit pisarinngitsuukkat kommunikaartumik ukiuuneranut 2025-mi piniarnissamut nuunneqassapput piffissami 10. februaarii 9. martsi ilanngullugu ingerlanneqartussamut. Kommune Qeqertalik aamma Avannaata Kommunia suleqatigalugit pisarinngitsuukkat amerlassusaat aalajangerneqassaaq.
9. Umimmaqarfik Ivittuut: Ukiuunerani umimmanniartoqassanngilaq.
10. Umimmaqarfik Sigguk: Ukiuunerani umimmanniartoqassanngilaq.
11. Umimmaqarfik Nanortalik: Ukiuunerani umimmanniartoqassanngilaq.
12. Umimmaat Paamiut eqqaanut nuunneqarsimasut aamma umimmaat Nuup Kangerluanut ingerlaarnikut eqqisisimataapput.

Tunngavilersuutit. Aqutsiveqarfik Ivittuuni: Ukiuni kingullerni umimmannik inunnik aalajangersimasunit ikinnerpaaffiliinikkut kisitsisoqartarnera tunngavigalugu ukiuunerani 2025-mi umimmanniartoqassanngilaq. Ivittuuni umimmaat maannakkut amerlavallaannginnerat tunngavigineqarpoq.

Aqutsiveqarfik Sisimiut-ni: Aasaanerani aamma ukiaanerani umimmattassat misilitakkat tunngavigalugit tamakkerneqartangillat, taamaammat pisarinngitsuukkanik ukiuuneranut nuussisoqassaaq.

Aqutsiveqarfik Kangaatsiaq-mi: Aasaanerani aamma ukiaanerani Sisimiut aqutsiveqarfiani umimmattassat misilitakkat tunngavigalugit tamakkerneqartangillat, taamaammat pisarinngitsuukkanik ukiuuneranut nuussisoqassaaq.

Aqutsiveqarfik Maniitsoq-mi: Aqutsiveqarfik Maniitsoq-mi umimmaat 2018-mi ukiuunerani umimmanniartoqaqqammersimatillugu qulimiguulimiit kisinneqarput. Kisitsineq marsimi ingerlanneqartoq malillugu umimmaat siornamut naleqqiullugu immamiit uuttorlugu qatsinnerusuni takuneqartarput (agguaqtigiissillugu 700 meterinit qutsinnerusuni), sumiiffiillu pineqartut neriniarfittut pitsaangninnerusutut nalilerneqarput. Umimmannik akornusiinnginnerunissaq siunertaralugu Pinngortitaleriffiup inassutigaa aqutsiveqarfimmi assartuutinik motorilinnik atuineq minnerpaaffimmaitinneqassasoq.

Piniarfik 2-mi immikkut aamma taamaattoqartartoq ikinnerpaaffiliinikut kisitsinerni paasineqareeropoq. Piniarfik 2-mi, Piniarfik 3-mi aamma Piniarfik 4-mi kulavaat ilumioqartut akuttusigaluttuinnartut piniartut aamma nakkutiliisut ukiuni kingullerni oqariartutigaat. Kulavaat ilumioqartut taamatullu norraat amerliseqqinnissaat siunertaralugu Pinngortitaleriffiup inassutigaa Piniarfik 4-mi ukiuunerani umimmanniartoqassanngitsoq, tamannalu APN-imit tapserneqarpoq.

Piniartut atuisullu ilisimasaat malillugit aqutsiveqarfimmi pineqartumi umimmaat ukiuni kingullerni takuneqartartut ikiliartorput, tamannalu ukiuunerani umimmanniarnerup assartutit motoorillit atuiffiusup umimmaqatigiinnut ajortunik kinguneqartarneranut takussutissaavoq. Tamanna aamma martsimi 2018-imi qulimiguulimmik kisitsisoqarnerani paasineqarpoq, taamani nunaminertani assartuutinik motoorilinnik ingerlaarfingineqarsimasuni umimmannik takussaasoqanngilaq.

Piniartut atuisullu Kangerlussuarmeersut ilisimasaat malillugit ukiuni kingullerni pisarnermut naleqqiullugu nittaannerujussuusarpoq, tamannalu pillugu pingaartumik ukiuulernerani 2023-mi nunaminertarujussuit sermeqartiterlutik uumasullu taamaalillutik pisarnertut neriniarsinnaasimanatik. Tamanna kulavaat ilumioqartut ukiuni kingullerni akuttusigaluttuinnarnerannut peqqutaaqataasimasinnaavoq.

APN-miit erseqqissaatigineqarpoq qamuteralannik, ATV-nik kiisalu qamutinik motoorilinnik allanik atuinermi kommunimi ileqqoreqqusat malinneqassasut, umimmannillu malersuineremi piniarnermilu atornissaat inerteqqutaammat. Assartuutit motoorillit umimmanut uumasunut minnerpaamik 500 meterinik ungasissuseqassapput.

Ulloq naallugu inunniq paaqqinnittarfii - Sociale institutioner

Ukiuni kingullerni ingammik Qeqqata Kommuneaniit ulloq naallugu inunniq paaqqinnittarfii piniakkanik killilersukkanik nunameersunik qinnuteqartarnerat (aasakkut/ukiakkut ukiukkullu) annertusiartuinnarsimavoq kommuneni annertuumik suliakkiisoqartarluni. APN aamma Qeqqata Kommunea ukioq 2022-mi isumaqatigiissuteqarput inatsimmi periarfissaasoq najoqutanik aalajangersimasunik aallaaveqartumik kommunemiiit aqunneqassasoq pisassiissutaareersut iluanni. Taamaattumik kommunemut qinnuteqaatit ingerlanneqartassapput.

**Tusarniaanermut piffissarititaavoq november 18-niat 2024 ilangullugu.
Namminersorlutik Oqartussat nittartagaat Tusarniaavik aamma innersuussutigineqarpoq
<https://naalakersuisut.gl>**



AC-Fuldmægtig Nuka Møller Lund
Aalisarnermut Piniarnermullu Naalakkersuisoqarfik
Tlf: +299 34 53 45 aamma Mail: numl@nanoq.gl

Ilangussaq 1: Nunap immikkoortuini piniarnissamut piffissat pisassiissutillu.

Ilangussaq 2: Kalaallit Nunaata kitaani tuttunut Piniarfik 1-11.

Ilangussaq 3: Kalaallit Nunaanni umimmaqatigiit.

Ilangussaq 4: Maniitsup Aqutsiveqarfiani umimmanut Piniarfik 1, 2, 3 aamma 4.

Ilangussaq 5: Umimmaqarfik Sisimiut kommunip aalajangersagai ilangullugit.

Ilangussaq 6: Umimmaqarfik Naternaq.

Ilangussaq 7: Tuttoqarfik Nuussuaq.

Ilanngussaq 1: Nunap immikkortuni piniarnissamut piffissaliussat pisassiissutillu

Tuttussagaanni umimmassagaannilu piniariartinnani akuersissuteqarnissaq piumasarineqarpoq. Takussutissani ataaniittuni pisassiissutit agguarneri piniarnissamullu piffissat aqtsiveqarfinni ataasiakkaanni qanoq inissisimanersut takuneqarsinnaapput.

Pisarineqartut PINIARNEQ-mi pisaqarnermi immersugassaq atorlugu nalunaarutigineqartussaapput immikkullu immersugassaq akuersissutip tunuanittooq kommunemut utertinneqartussaalluni.

Tuttuttassiissutit tuttunniarnissamullu piffissaliussat – Ukiuunerani 2025.

Kalaallit Nunaata Kitaa A - Aqtsiveqarfik Qaanaaq		
Nunap immikkoortua	Pisassiissut	Piniarnissamut piffissaliussat
Nuna Inglefield (Piniarfik 10)	86-nit pisarinngitsuukkut	Inuuss. aamma sunng. piniarneq: 1. januaari - 30. aprili
Nuna Prudhoe (Piniarfik 10)	86-nit pisarinngitsuukkut	Inuuss. aamma sunng. piniarneq: 1. januaari – 30. aprili
Kangerluarsorujuk (Piniarfik 9)	Killeqanngillat	Inuuss. aamma sunng. piniarneq: 1. januaari – 30. aprili
Katillugit		

Avannaata Kommunia piffissami 1. januaarimuit 30. aprilimut piniarnissamut piffissaliussanik aalajangiissinnaavoq. Avannaata Kommuniata pisassiissutit aqtsiveqarfimmi inuussutissarsiutigalu sunngiffimilu piniartunut agguassavai. Qamuteralaat, ATV-t assartuutilu motoorillit allat tuttunik malersuinermi piniarnermilu atornissaat inerteqqutaavoq tuttunullu minnerpaamik 500 meterinik ungasissuseqassapput.

Kalaallit Nunaata Kitaa B - Piniarfik 8 - Nuussuaq		
Aqtsiveqarfik	Pisassiissutit	Piniarnissamut piffissaliussat
Upernivik	Tuttut 100-t	Inuussutissarsiutigalu piniarneq: 3. februaari – 23. februaari Sunngiffimmi piniarneq: 3. februaari - 23. februaari
Uummannaq		Inuussutissarsiutigalu piniarneq: 3. februaari - 23. februaari Sunngiffimmi piniarneq: 3. februaari – 23. februaari
Ilulissat		Inuussutissarsiutigalu piniarneq: 3. februaari - 23. februaari Sunngiffimmi piniarneq: 3. februaari - 23. februaari
Qeqertarsuaq		Inuussutissarsiutigalu piniarneq: 3. februaari - 23. februaari Sunngiffimmi piniarneq: 3. februaari – 23. februaari
Qasigiannguit		Inuussutissarsiutigalu piniarneq: 3. februaari - 23. februaari Sunngiffimmi piniarneq: 3. februaari – 23. februaari
Katillugit	Tuttut 100-t	

Avannaata Kommuniata pisassiissutaasut inuussutissarsiutigalu sunngiffimilu piniartunut aqtsiveqarfik Upernavimeersunut, Uummameersunut aamma Ilulissaneersunut agguassavai. Kommune Qeqertallup pisassiissutaasut inuussutissarsiutigalu sunngiffimilu piniartunut aqtsiveqarfik Qeqertarsuarimeersunut aamma Qasigiannguaneersunut agguassavai. Qamuteralaat ATV-llu tuttunik malersuinermi piniarnermilu atornissaat inerteqqutaavoq.

Umimmattassiissutit umimmanniarnissamullu piffissaliussat – Ukiuunerani 2025

Aqtsiveqarfik Qaanaaq		
Piniarfik	Pisassiissutit	Piniarnissamut piffissaliussat
Nuna Inglefield aamma Nuna Prudhoe	60-nit pisarinngitsuukkut	Inuuss. sunngiffimilu piniarneq: 1. januaari - 15. aprili
Qooqput	60-nit pisarinngitsuukkut	Inuuss. sunngiffimilu piniarneq: 1. januaari - 15. aprili
Katillugit	120-nit pisarinngitsuukkut	

Avannaata Kommunia piffissami 1. januaarimuit 15. aprilimut piniarnissamut piffissaliussanik aalajangiissinnaavoq. Avannaata Kommuniata pisassiissutit aqtsiveqarfimmi inuussutissarsiutigalu sunngiffimilu piniartunut agguassavai. Qamuteralaat, ATV-t assartuutilu motoorillit allat umimmannik malersuinermi piniarnermilu atornissaat inerteqqutaavoq umimmannullu minnerpaamik 500 meterinik ungasissuseqassapput.

Umimmaqarfik Naternaq			
Aqutsiveqarfik	Pisassiissutit	Pisassiissutit katillugit	Piniarnissamut piffissaliussat
Aasiaat	26-nit pisarinngitsuukkut		Inuuss. sunngiffimmilu piniarneq: 10. februaari - 9. marts
Qasigiannguit	26-nit pisarinngitsuukkut	Kommune Qeqertalik: 99-nit pisarinngitsuukkut	Inuuss. sunngiffimmilu piniarneq: 10. februaari - 9. marts
Kangaatsiaq	26-nit pisarinngitsuukkut		Inuuss. sunngiffimmilu piniarneq: 10. februaari - 9. marts
Qeqertarsuaq	21-nit pisarinngitsuukkut		Inuuss. sunngiffimmilu piniarneq: 10. februaari - 9. marts
Ilulissat	21-nit pisarinngitsuukkut	Avannaata Kommunia: 21-nit pisarinngitsuukkut	Inuuss. sunngiffimmilu piniarneq: 10. februaari - 9. marts
Katillugit	120-nit pisarinngitsuukkut	120-nit pisarinngitsuukkut	
Avannaata Kommuniata umimmattassiissutit Ilulissat aqutsiveqarfiani inuuss. sunngiffimmilu piniartunut agguateqqissavai. Kommune Qeqertaliup umimmattassiissutit aqutsiveqarfinni sinnerini inuuss. sunngiffimmilu piniartunut agguateqqissavai. Qamuteralaat ATV-t assartuutilu allat umimmannik malersuinermi piniarnermilu atornissaat inerteqqutaavoq umimmannullu minnerpaamik 500 meterinik ungasissuseqassapput.			


Aqutsiveqarfik Sisimiut		
Aqutsiveqarfik	Pisassiissutit	Piniarnissamut piffissaliussaq
Qeqqata Kommunia	300-nit pisarinngitsuukkut	Inuuss. sunngiffimmilu piniarneq: 1. februaari – 14. februaari
Aqutiveqarfik Kangaatsiaq	100-nit pisarinngitsuukkut	Inuuss. sunngiffimmilu piniarneq: 1. februaari – 14. februaari
Qeqqata Kommuniata umimmatassiissutit inuussutissarsiutigalugu sunngiffimmilu piniartunut agguassavai. Kommune Qeqertaliup umimmattassiissutit inuussutissarsiutigalugu sunngiffimmilu piniartunut agguassavai. Kangerlussuup eqqaani nunaminertat piniarfigeqqusaanngitsut akuersissutini takuneqarsinnaapput. Qamuteralaat ATV-t assartuutilu allat umimmannik malersuinermi piniarnermilu atornissaat inerteqqutaavoq umimmannullu minnerpaamik 500 meterinik ungasissuseqassapput.		

Aqutsiveqarfik Maniitsoq		
Aqutsiveqarfik	Pisassiissutit	Piniarnissamut piffissaliussaq – Piniarfik 1
Qeqqata Kommunia	Umimmaat 50-it	Inuuss. sunngiffimmilu piniarneq: 1. februaari – 14. februaari
Aqutsiveqarfik	Pisassiissutit	Piniarnissamut piffissaliussaq – Piniarfik 2
Qeqqata Kommunia		Ukiuunerani umimmanniartoqassanngilaq
Aqutsiveqarfik	Pisassiissutit	Piniarnissamut piffissaliussaq – Piniarfik 3
Qeqqata Kommunia	Umimmaat 200-t	Inuussutissarsiutigalugu piniarneq: 1. februaari – 14. februaari
Aqutsiveqarfik	Pisassiissutit	Piniarnissamut piffissaliussaq – Piniarfik 4
Qeqqata Kommunia	-	Ukiuunerani umimmanniartoqassanngilaq
Qeqqata Kommuniata umimmatassiissutit inuussutissarsiutigalugu sunngiffimmilu piniartunut qinnuteqartitsinikkut kommunimi najugaqvissunut agguassavai. Kangerlussuup eqqaani nunaminertat piniarfigeqqusaanngitsut akuersissutini takuneqarsinnaapput. Piniarfik 2-mi aamma 3-mi qamuteralaaqniq ATV-nillu atuinermi Qeqqata Kommuniata ileqqoreeqqusaa malinneqassaaq. Qamuteralaat ATV-t assartuutilu allat umimmannik malersuinermi piniarnermilu atornissaat inerteqqutaavoq umimmannullu minnerpaamik 500 meterinik ungasissuseqassapput.		


Ittoqqortoormiuni umimmaqarfik

Umimmaqarfik	Pisassiissutit	Piniarnissamut piffissaliussat
Scoresbysundip Kangerluani, Jameson-ip amma Liverpool-ip nunaanni	60-t	Inuuss. sunngiffimmilu piniarneq: 1. marts - 31. marts
Kommuneqarfik Sermersuup pisassiissutit aqutsiveqarfimmi inuussutissarsiutigalugu sunngiffimmilu piniartunut agguassavai. Qamuteralaat ATV-t assartuutillu allat umimmannik malersuinermi piniarnemilu atornissaat inerteqquaavoq umimmannullu minnerpaamik 500 meterinik ungasissuseqassapput.		


Ilanngussaq 2: Kalaallit Nunaata Kitaani tuttunik Piniarfik 1-11




Ilanngussaq 3: Kalaallit Nunaanni umimmaqatigiit




Ilanngussaq 4: Maniitsup aqutsiveqarfiani umimmannut Piniarfik 1, 2, 3 aamma 4



Ilanngussaq 5: Umimmaqarfik Sisimiut kommunip aalajangersagai ilanngullugit.



Ilanngussaq 6: Umimmaqarfik Naternaq.



Ilanngussaq 7: Tuttoqarfik Nuussuaq.

